



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶՊԵՏ ՈՐՈՇՈՒՄ

« 4 » հոկտեմբերի 2022 թվականի N:518 -Ա ք.Գյումրի
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ «ԳՅՈՒՄՐՈՒ N 8
ՄԻՋՆԱԿԱՐԳ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ
ԱՌԱՆՁԻՆ ԽՈՐՀՐԴԻ ԱՆՎԱՆԱԿԱՆ ԿԱԶՄՈՒՄ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶՊԵՏԻ 2021 ԹՎԱԿԱՆԻ ԴԵԿՏԵՄԲԵՐԻ 15-Ի
N 416-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ՄԱՍԻՆ

Ղեկավարվելով «Տարածքային կառավարման մասին» Հայաստանի
Հանրապետության օրենքի 13-րդ հոդվածի 1-ին մասի 2-րդ կետի,
«Հանրակրթության մասին» Հայաստանի Հանրապետության օրենքի 11-րդ
հոդվածի 3-րդ մասի 2-րդ կետի, «Պետական ոչ առևտրային
կազմակերպությունների մասին» Հայաստանի Հանրապետության օրենքի 14-րդ
հոդվածի 2-րդ կետի «ա» ենթակետի, «Նորմատիվ իրավական ակտերի մասին»
Հայաստանի Հանրապետության օրենքի 1-ին հոդվածի 2-րդ մասի, 33-րդ
հոդվածի 1-ին մասի 1-ին կետի, 34-րդ հոդվածի 1-3-րդ մասերի, Հայաստանի
Հանրապետության կառավարության 2002 թվականի հուլիսի 25-ի N 1392-Ն
որոշմամբ հաստատված «Հայաստանի Հանրապետության պետական
հանրակրթական ուսումնական հաստատություն» պետական ոչ առևտրային
կազմակերպության օրինակելի կանոնադրության 32-րդ և 46-րդ կետերի,
Հայաստանի Հանրապետության կրթության և գիտության նախարարի 2010
թվականի մարտի 18-ի N 113-Ն հրամանի 1-ին կետով հաստատված «Հայաստանի
Հանրապետության «Պետական հանրակրթական ուսումնական հաստատություն»
պետական ոչ առևտրային կազմակերպության կոլեգիալ կառավարման մարմնի՝

խորհրդի ձևավորման կարգի» 16-րդ, 19-րդ, 20-րդ, 21-րդ կետերի դրույթներով, հիմք ընդունելով Հայաստանի Հանրապետության Գյումրու համայնքի ղեկավարի 2022 թվականի ապրիլի 27-ի N 01/04/6181-2022 գրությունը.

ՈՐՈՇՈՒՄ ԵՄ

1. Դադարեցնել Հայաստանի Հանրապետության Շիրակի մարզի «Գյումրու N 8 միջնակարգ դպրոց» պետական ոչ առևտրային կազմակերպության կոլեգիալ կառավարման մարմնի՝ առանձին խորհրդի (այսուհետ՝ Խորհուրդ) անդամ՝ Հայաստանի Հանրապետության Շիրակի մարզի Գյումրի համայնքի ղեկավարի կողմից առաջադրված Անահիտ Հովհաննիսյանի լիազորությունները:

2. Խորհրդի անվանական կազմում հաստատել Հայաստանի Հանրապետության Շիրակի մարզի «Գյումրու N 8 միջնակարգ դպրոց» պետական ոչ առևտրային կազմակերպության Գյումրի համայնքի ղեկավարի կողմից առաջադրված Գայանե Ղազարյանին՝ մինչև խորհրդի լիազորությունների ժամկետի ավարտը:

3. Այդ կապակցությամբ Հայաստանի Հանրապետության Շիրակի մարզպետի 2021 թվականի դեկտեմբերի 15-ի «Հայաստանի Հանրապետության Շիրակի մարզի «Գյումրու N 8 միջնակարգ դպրոց» պետական ոչ առևտրային կազմակերպության առանձին խորհրդի անվանական կազմը հաստատելու, Հայաստանի Հանրապետության Շիրակի մարզպետի 2016 թվականի մայիսի 24-ի N 144-Ա որոշումն ուժը կորցրած ճանաչելու մասին» N 416-Ա որոշման հավելվածի 3-րդ կետում «Անահիտ Հովհաննիսյան» բառերը փոխարինել «Գայանե Ղազարյան» բառերով:

Ն. ԲԱՂԴԱՍԱՐՅԱՆ

Իսկականի հետ ճիշտ է

